

Gi Cangh Hag Nyingz Naq

□ Moz Gwzli / 莫克利

Ganh Yingz dwg bouxak nyingz naq seiz ciuhgeq. De baez beng gung nyingz naq coh duznaen, duznaen couh sikhaek deng riengz sing laemx; de nyingz naq coh duzroeg mbin gyangmbwn, duzroeg mbin couh yaepyet daj gyangmbwn doek roengz-daeuj. Cijaeu bouxvunz yawjraen Ganh Yingz nyingz naq gvaq, mbouj miz saek boux mbouj haenh de.

Hagseng Ganh Yingz heuhguh Feih Vei, de gaen Ganh Yingz hag nyingz naq gig roengzrengz. Geij bi gvaqlaeng, bonjsaeh Feih Vei nyingz naq, couh gyaep dawz Ganh Yingz lo, caen dwg lauxsae mizmingz ok lwgsae ak ha.

Doeklaeng, youh miz bouxvunz ndeu heuhguh Gi Cangh daeuj baiq Feih Vei guh lauxsae. Seiz ngamq haidaeuz hag nyingz naq, Feih Vei yiemzhaenq doiq Gi Cangh naeuz: “Mwngz dwg caen dahraix yaek gaen gou hag nyingz naq ma? Mwngz aeu rox, mbouj roengz goengfou, hag mbouj ndaej caen bonjsaeh bw.”

Gi Cangh naeuz: “Cijaeu ndaej hag rox nyingz naq, gou mbouj lau gwn hoj, nyienh dingq lauxsae sonyinx.” Yienghneix, Feih Vei gig yiemzsuk doiq Gi Cangh naeuz: “Mwngz yaek

hag rox nyingz naq, aeu hag mbouj yaep lwgda gonq, guh daengz mbouj yaep lwgda le, cij ndaej hag nyingz naq.”

Gi Cangh vih ndaej hag nyingz naq, dauqma ndawranz, daengjai ninz youq laj congzrok mehyah, song ceh da yaep cungj mbouj yaep, cimyawj aen rok gwnz congzrok. Gi Cangh ngoenzngoenz yienghneix, ndwen-ndwen yienghneix, ndawsim cungj naemj gij iugouz lauxsae caeuq gij gietsim swheij. De laeglemx lwnh hawj swheij: Yaek siengj hag daengz caen goengfou, baenz boux cangh-nyingznaq maenh’ak, couh yaek genhciz bae haenqrengz lienh.

Gi Cangh yienghneix lienh le



song bi, coengzlaiz mbouj dingz gvaq. Seizneix, couhcinj yungh fagcuenq camx naengda de, song ceh da de hix yaep cungj mbouj yaep. Lienh daengz gizneix, Gi Cangh haidaeuz cingjleix doxgaiq, bae ra Feih Vei lo.

Feih Vei dingq le gij vah Gi Cangh, doiq Gi Cangh naeuz: “Mwngz vanzlij mboujcaengz hag daengz dieg ne. Yaek hag ndei nyingz naq, mwngz lij aeu lienh daraeh cij ndaej, yaek lienh daengz yawj gij doxgaiq iq lumjnaeuz yawjraen gij doxgaiq hung nei, yawj gij doxgaiq mumjgyumq lumj gij doxgaiq seuqsat mingzyienj nei. Mwngz lij aeu laebdaeb lienh. Deq mwngz lienh ndaej daengz lo, caiq daeuj lwnh gou nyi.”

Gi Cangh youh dauqma ranz, de daj gwnz rieng duzvaiz genj le diuz bwn cei q saeq ndeu, gyaеuj ndeu cug duznaen iq, gyaеuj he venj youq gwnz cueng aen ranz swheij, gaenlaeng song ceh da cimyawj duznaen iq gyaеujlaj bwnvaiz.

Yawj ha, yawj ha, lwgda cungj mbouj yaep saekdi yawj ha. 10 ngoenz mbouj daengz, duznaen haenx lumj-naeuz ciemhciemh bienq hung lo. Gi Cangh vanzlij genhciz haenqrengz lienhguh. De laebdaeb yawj ha, yawj

ha, cehda mbouj cienq saekdi bae yawj.

3 bi gvaqbae lo, duznaen iq cug youq gyaеujlaj bwnvaiz haenx, bienqndaej hung haujlai, lumj aen loekci nei. Gi Cangh caiq yawj gij doxgaiq gizyawz, hix cungj bienq-ndaej hung caez lo.

Yienghneix, Gi Cangh ra fag gung aeu gaeuvaiz dajcang haenx daeuj, dap naq rae h, fwngzswix dawz hwnj gung, fwngzgvaz dap hwnj naq, liuq duznaen lumjnaeuz loekci hung, beng gung nyingz naq gvaqbae. Byainaq cingqngamj daj cungsim duznaen byoengq gvaqbae, hoeng diuz bwn venj duznaen haenx, cix mbouj deng gij rengz de nyingz goeng.

Seizneix, Gi Cangh cungjsuenq singjsag roxnyinh daengz lo: Yaek hag ndaej caen bonjsaeh, mbouj haenqrengz roengz goengfou mbouj ndaej.

Dang de lwnh gij cingzcik neix hawj Feih Vei nyi seiz, Feih Vei angq dwk diuq hwnjdaеuj, caemhcai q yungh fwngz bek mbaq Gi Cangh, caensim cukhoh de, naeuz: “Mwngz guh ndaej daengz lo. Gij dauhleix laegluemx nyingz naq, mwngz gaenq hag rox luha!”

•Sawcuenhrael Lwgnyez•

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

Haenzdah yaep ndeu bung daeuj bang lwgsai ndaej 10 lai bi nei, lohgenz lohgan h boem haeuj raemx, gij raemhfaex gofaex-nganx mwncumcum vih gyoengqde cw ndit, gawq sangsak youh ndeimaеz. Cijaeu raq rumz ndeu baez ci gvaq byaifaex, gyoengqde cungj doengzcae z ngienxgyaeuj iet hoz ngonzyawj, deq maknganx baenz gwnz nga haenx bumbum doek roengzdaeuj, doek-laeng, gyoengqde couh lumj gyoengq roeg doxceng gwn doxgaiq nei youz gvaqbae ciengj, miz boux dingjdaeuj ndaem coh daejdah, caekhaex wenq youq gwnz raemx fwd raen fwd ndoj; miz boux daj gwnz raemx bungz gvaqbae, caeuq bouxgyaeujndoj iq dangqna j bongh gvaqdaeuj cingq doxbungq, seizde song boux rim da yaep ndaundeiq, got gyaеuj sing hung dwk doq hemq doq riu; mizseiz guh’ angq, miz saek song boux couh ndaetndet doxumj youq ndaw raemx dox-ringx, maknganx mboujcaengz ciengj ndaej, dauqfanj gwn le moengj raemxdah, lij deng ae’gege dem.

Gou heuh dahnuengx baema ranz gonq, sikhaek caeuq gyoengqde caez youzraemx. Youq gyoengq lwgnyez ndawde, gou mbouj miz maz diegvih, yienznaeuz gou gaenq ndaej 13 bi lo, hoeng gyoengqde lumjnaeuz cungj

beij gou lij ak, daegbied dwg Ah Veij. De ndaemraemx cei q maenh, caem youq laj-raemx cei q nanz, dou cungj mbouj beij de. Caemhcai q de bin faex hwnj bya cei q ak, dingjfaex cai q sang, bangxdат cai q lingq, dou cungj mbouj gamj bin hwnjbae, de cungj gamj. Dangvienz, gou hix miz giz beij gyoengqde ak, youq hagdangz gij cingzcik gou beij gyoengqde ndei, lauxsae ciengzseiz haenh gou cix ndaq gyoengqde. Ndigah seizmoengj, gyoengqde nyienh dingq gou gangj.

Gofaexnganx haenzdah heux bae geuj dauq, nga vang nye caix, gij congh hung caeuq giz mbot hung goekfaex, caeuq gij ngawhrin lumj buhyaep nei nanatnat goemq dwk, mbouj oksing dwk cwnqmingz gij ginglig gyoengqde mbouj bingzciengz.

“Bumbum!” Youh miz aen maknganx hung ndeu doek roengzdaeuj lo.

Gou da rae h fwngz riengj, aenndang baez yat, song ga baez daeb, ndonj haeuj laj raemx, couh youq seizneix, yaepyet naenghmax lij miz sei q haj boux doengzdoi h riengjret daj gak aen fuengyiengq bongh coh giz maknganx haeuj raemx.

(caengz sat)

Danghnaeuz Miz Ngoenz Ndeu Gou Caen Liz Mwngz Bae

□ Vangz Civeij / 黄志伟

Dawz sojmiz raemxda
Danguh huz laeuj get ndeu
Youq seizdoeng nitgyaengj
Gou gag ndoet roengzbae

Gaenq yien fwngz byaij gvaq aen seizdoeng mwngz naeuz
Gou dwg aen funghlingz ndaw mingh mwngz
Youq ndaw rumz huhu doi q mwngz ngauzngwd

Yienghneix
Mwngz dinghdingh souj gij diegdeih gou
Doekgyaj unqswnh caeuq hauqdauh
Gou rox
Diuz mingh gou dwg gai q bingh he
Dang youq ndaw fwngz mwngz menhmenh yungz bae
Mwngz rox mbouj rox daej daengz hozndaet

Naeuz gou nyi
Gou dwg mbouj dwg seizcin mbaw faex loenq haenx
Danghnaeuz miz ngoenz ndeu gou caen liz mwngz bae
Mwngz dawz sojmiz hohfuk hawj gou
Gaej dawz raemxda vaq baenz fwn